



Universitätsbibliothek Paderborn

**Joannis Ludovici Schönleben, Carnioli Labacensis, SS.
Theologiae Doctoris, Protonotarij Apostolici,
Archi-Diaconi Carnioliae Inferioris. Horae Subsecivae
Dominicales. Sive Discursus Sacri De Tempore ...**

Cum quadruplici Indice I. Discursuum. II. Locorum Sacrae Scripturae. III.
Rerum & Verborum. IV. Historiarum & Mythologiarum

Pars Hyemalis Et Verna Ab Adventu Ad Pentecosten. - Insertis aliquot
Allocutionibus Academicis

Schönleben, Johann Ludwig

Salisburgi, 1676

Discursus XVIII. Dominica III. Quadrages. Exorcismus Dæmonij muti.
Thema. Erat Jesus ejciens dæmonium, & illud erat mutum. Lucæ. 11.

[urn:nbn:de:hbz:466:1-47077](#)

mus felix Pascha & cum Christo resurgamus in gloria. Jejunemus à cibo pariter & culpa, ut assimilemur filio Dei. *Simus* (us loquitur Gregorius Nazianzenus) *simus sicut Christus, quoniam ipse sicut nos: efficiamur Dij propter ipsum, quoniam ipse propter nos factus est homo.* Hæc quippe est *Metamorphosis Christiana.*



DISCURSUS XVIII.

Dominica III. Quadragesimæ

Exorcismus dæmonij muti.

THEMA.

Erat IESUS ejiciens dæmonium, & illud erat mutum. Luc. 11.

SYNOPSIS.

I. *Energumenus mutus simulacrum est peccatoris non confidentis peccata sua, cui si accedit surditas & cæcitas in periculosisimo versatur statu. Exorcandus proinde est ut dæmonē, qui est peccatum ejiciat.*

II. *Multo verò facilius est expellere per exorcismum dæmonem à corpore, quam peccatum ab anima peccatoris, propterea illud ad officium Mino-*

rum spectat, hoc solis sacerdotibus commissum est.

III. *Ipse Christus dæmones expellebat à corporibus solo verbo, ad ejicienda verò peccata e cordibus tota illi fortitudine opus est.*

IV. *Exorcistam agit Apostolus cum monet: ne regnet peccatum in mortali nostro corpore, quia in aliquibus transit, in alijs habitat, in alijs plane regnat,*

regnat, ut difficulter ejici pos-
sit: quia cum omne peccatum
sit coluber, nisi mature elida-
tur, crescit in regulum.

V. Regulus autem est Basiliscus
serpens coronatus, in quem e-
rumpit omne peccatum si fo-
veatur. Et hic regulus est
Rex superbiae, dæmon.

VI. Permittitur hic sàpè regnare
in anima propter dilatam vel
neglectam pœnitentiam, con-
tra quem nulla prævalet in-
cantatio, quia obstinati dif-
ficillime corriguntur, uti ac-
cidit cuidam feneratori, qui
differens de die in diem, tan-
dem cum vellet pœnitere non
potuit.

VII. Cavendum à talibus regulis,

Erat IESUS ejiciens dæmonium, & illud
erat mutum. *Luc. XI.*

I.

Ergumentus nobis hodie in theatro
Evangelico proponitur cavendo-
rum pariter & agendorum exem-
plar. Miserrima hominis conditio,
corruptæ per peccatum naturæ
subjectum esse inclinationibus &
vitijs, ac insuper pessimi hospitis effici habitacu-
lum. Id fieri permittente D E O nihil ambigen-
dum est: Nam vel in pœnam peccati vel ad vir-
tutis experimentum, vel ad manifestandam
suam omnipotentiam, vel ad sugerendam oc-
casionem consequendæ salutis concedit sàpè
DEUS

DEUS potestatem inimico humani generis , ut & in hominum corpora tyrannidem exerceat , & animas ipsas quandoque perturbet, non tamen perdat. De Saule sacer textus : *Spiritus autem Domini recessit a Saul, & exagitabat eum spiritus nequam.* Sed hoc erat occasio Davidi exercendæ virtutis , & Sauli in pœnam peccati. Audiverat Paulus incestum inter Corinthios admissum , & zelo divino accensus expedire judicavit tradere hujusmodi sathanæ in interitum carnis , ut *spiritus salvus fieret.* Septem dæmonijs obnoxia erat Magdalena peccatrix , sed ab his per misericordiam Salvatoris liberata, quia postmodum dilexit multum, remissa sunt illi peccata. Multos alios a dæmonibus obseffos in libertatem afferuit Servator testante Evangelista : *Obtulerunt ei multos dæmonia habentes , & ejiciebat spiritus verbo.* Illorum verò liberatio præ cæteris meretur considerationem, quæ plura alia mala annexa habuit maligni spiritus vexationi. Hodie nus non tantum dæmonium habuit, sed & dæmonium mutum ; adgit Matthæus etiam cæcum fuisse : *Oblatus est ei dæmonium habens cæcus & mutus , & curavit eum , ita ut loqueretur & videret.* Alio loco surdum & inutum curavit , cui utrumque sensum spiritus nequam ligaverat ab infantia. *Surde & mute spiritus ego præcipio tibi , exi ab eo.* Magna naturæ vitia surdum, cæcum , mutum esse , præsertim si duo aut omnia tria in eodem subjecto concurrant : sed magis deploranda hæc vitia , si animam ipsam corripiant ; & non tam corpus quam animam sub Tyrannico suo jugo premat dæmonium surdum & mutum , cæcum & mutum ! S. Bonaventura de his moraliter differens : *Dæmonium (inquit) est peccatum, quod facit surdum*

1. Reg. 16.

1. Cor. 5.

Matth. 8.

Matth. 12.

Marc. 9.

S. Bonav.
in Luc.

surdum ad veritatem audiendam , & mutum ad confitendum. B. Albertus Magnus , existimat hodiernum energumenum omnibus hisce malis laborasse , ac non tantum mutum , sed cœcum insuper & surdastrum fuisse : In ratione illum læsit , ne veritatem perciperet , ne lumen claritatis DEI in miraculis videret : in auditu , ne ex auditu verbi ad fidem veniret : in loquela ne de salute ab aliquo inquirere posset. Idem sensit Ven. Beda. Mihi sufficerit hodie conjurare habentes dœmonium mutum , illos verò intelligo , qui peccatis immersi instantे hoc sacro tempore , quo animas suas per Sacramentum pœnitentiæ , & seriam peccatorum suorum Confessionem deberent eluere , muti sunt ; & vel malitiosè reticent dicenda ; vel quæ dixerint pallijs excusationem obvelant. Exorcistam igitur agam ejcens quantum in me fuerit dœmonium mutum. Adelte peccatores , & si non estis surdastrī , attendite , quomodo & præcavere debeatis dœmonium , & admissum ejcere.

II. Ne temerariè videar hodie suscepisse munus Exorcistæ principio ostendam peccatorem qui per sacramentalem Confessionem peccata sua expiare vel tergiversatur , vel erubescit , vel alias negligit , & quod periculosisimum est planè abnuit , nihil differre ab Energumeno vel dœmoniaco , à quo proinde peccatum ceu dœmonem ejcere longè laboriosius est Confessario , vel Concionatori , quam ex obsessis corporibus malignos spiritus Exorcistæ. Hanc sententiam videtur ipsa Ecclesia approbare : dum enim munus exorcisandi energumenos commisit minoribus ordinibus , & munus absolvendi à peccatis solis concessit sacerdotibus , eo ipso agnovit difficilius esse à peccatis liberare animas ,

B. Alb. M.
in Luc.

mas, quām à dæmonibus corpora. Quid? pejor igitur erit conditio peccatoris quām energumeni? sic res habet. Energumenus sive obseßus sive circumseßus in solo corpore affligitur à malo spiritu; peccator in anima pariter & corpore: Energumenus per exorcismum sola voluntate DEI à Dæmonio liberatur, peccator absolvī non potest à peccatis, quantumvis Deus ejus salutem desideret, nisi & ipse velit. Unde longè difficilius sæpe est extorque-re à peccatore peccati dolorem, quam Dæmonem fugare ab Energumeno. Ex quo etiam elicitur peccatum pejus esse dæmone, quia peccatum animam præcipitat in æternam damnationem, cui dæmon sola obsessione corporis nocere non potest. Sic sentiebat Chrysostomus inquiens: *dæmone pejus est peccatum.* O miserabilem statum peccatoris! præsertim si urgente conscientia non poenitet, si differt, si ter-giversatur, si negligit poenitere.

S. Chrysost.
bom. 30. ad
pop.

Psal. 67.

Isai. 5. v.
18.
Psal. 77.

III. Ut thesim assumptam comprobem, observate quod Christus benedictus energumenos à dæmonijs liberaverit solo verbo: *Surde & mute spiritus, ego præcipio tibi exi ab eo, & exclamans, & multum discerpens cum, exiit ab eo.* Magnum miraculum, quod vocem audierit conjurantis qui surdus erat, quod exclamaverit qui mutus erat, quod dæmon illico abscesserit. Verùm hoc totum uno penè verbo confecit Christus. Ut autem à peccatore peccatum expellat, majori opus est miraculo, totam in hoc impendere debet fortitudinem. Hoc sensu accipio illa verba Psalmistæ: *Qui educit vinculos in fortitudine; similiter eos qui exasperant, qui habitant in sepulchris.* Quis nescit ab Isaia comparari peccata vinculis: *Quasi vinculum plaustrum peccatum.* Quis dubitet per exasperantes intelligi peccatores apud Psalten qui alibi

alibi canebat: *Generatio prava & exasperans, non est creditus cum DEO spiritus ejus.* Et attestante Evangelista dœmoniaci habitabant in sepulchris, per quos designari peccatores luce clarius est: Unde Theophylactus vocat carnem peccatoris sepulchrum animæ: *Sepultus est in inferno dives ille: nam profecto etiam cum vivet, sepulta erat ejus anima, carnem quasi sepulchrum circumferens.* Ad peccatoris ergo exorcismum non est satis verbum divinum, sed potentior vis & fortitudo divina *educens vindos in fortitudine.* Similiter eos qui exasperant, qui habitant in sepulchris.

Matth. 8.

Thephyl. in
Luc.

I V. Cum igitur ad expellenda hæc peccatorum dœmonia, non Exorcistis simpliciter sed Apostolis & sacerdotibus commiserit Servator, nihil temerè me nunc acturum existimo, si peccatores exorcisavero monens, clamans, instans: *Pœnitentiam agite, & cum Apostolo: Non regnet peccatum in vestro mortali corpore.* Si ex fragilitate humana delinquitis: Pœnitentiam agite. Nolite locum dare diabolo perseverantem: humanum est peccare: diabolum perseverare. *Non regnet peccatum.* Cur obsecro non dixit Apostolus: Non sit, non introëat, non habitet peccatum in vestro corpore, sed non regnet? Audite super hoc mellifui Bernardi sensum. Triplex inquit est status peccatorum: In alijs est, sed transit & non habitat; in alijs habitat, sed non regnat; in quibusdam verò non transit, & non solum habitat, sed regnat: qui est status omnium periculosisssimus, adversos quem nulla valet incantatio, nullus sufficit exorcismus. *Est considerare homines (inquit ille) in quibus peccatum non modo habitat, sed & regnat: nec jam proximum magis aut magis intimum posse esse videtur, nisi forte cum sic dominabitur, eis ut*

S. Bern.
serm 10. in
Psal. Qui
habitat.

E e 2

nullo

nullo modo deinceps valeat non dominari. Est autem
 & alios invenire in quibus quidem adhuc manet peccatum,
 sed jam non dominatur aut prævalet in eis, evulsum quo-
 dammodo, neandum tamen expulsum: dejectum sed non pro-
 sus ejettum, Quasi diceret in quibus peccatum qui-
 dem reperitur, sed cum proposito poenitentiae a-
 gendæ per seriam confessionem, bonam spem con-
 cipere possunt, ut ab ijs expellatur: in quibus vero
 radicatum est, & transivit in habitum vel obstina-
 tionem: Sic dominabitur eis, ut nullo modo deinceps va-
 leat non dominari. Periculosisimus est hic status. A
 quo cavendum insinuat Isaías, inquiens: *De radice
 colubri egredietur regulus.* Quodlibet peccatum est
 quidam coluber juxta illud: *Quasi à facie colubri fuge
 peccata.* Unde expellendus est coluber ne fiat re-
 gulus, ne dominetur, ne regnet, quia de peccato
 radicato nascitur habitus: habitus vero secundum
 Philosophos est *qualitas difficulter mobilis*: ex habitu
 nascitur obstinatio, quæ in corde hominis efficit re-
 gnum, & absolutum dominium animæ peccatricis.
 Huc respiciebat memoratus D. Bernardus monens:
*Indicat sibi homo jejunia, corpus castiget, ac subiiciat ser-
 vituti: ne forte de radice colubri egrediatur regulus, de
 concupiscentia consuetudo, cuius ulteriore rationem
 mox reddit: Nimirum peccatum faciens servus est pec-
 cati, servus planè diaboli.* Itaque non regnet pecca-
 tum in nobis, non transeat in consuetudinem, non
 permittatur diu habitare, ne degeneret in obstina-
 tionem, ne mancipet animas servituti diaboli.

V. Inter serpentes pestilentissimus censetur,
 basiliscus, quem eundem esse cum regulo vel no-
 men ipsum enuntiat; hic solo visu necat, solo atta-
 ctu omnia exurit, afflatu consumit; *candida in ca-
 pite*

Izai. 14.
Eccli. 21.

S. Bernar.
Serm. 14.
de divers.

capite macula ut quodam diademate insignem Plinius
 scribit. Bellum peccati in corde peccatoris radicati
symbolum : candidum præfert diadema , quia dœ-
mon transfigurat se in Angelum lucis , peccata exte-
nuat, & mille coloribus ceu licita, ceu levia, ceu de-
centia statum picturata exhibet, & prætextibus ob-
velat, sed maculæ tamen sunt, quibus dœmon in no-
stram Tyrannidem coronatur. Vitia (quæritur
Seneca) sub virtutum nomine obrepunt : temeritas sub
titulo fortitudinis latet ; moderatio vocatur ignavia.
 Sunt qui ambitionem & superbiam reputant tesse-
 ram sanguinis generosi ; iracundiam vocant ma-
 gnanimitatem ; luxuriam, jocos ; avaritiam, bonam
œconomiam ; homicidia, vitæ tutelam ; deceptio-
nes & dolos , ingenij acumina &c. & ejusmodi im-
mersi sceleribus , dum se candidæ fortunæ pullos
credunt , serò experiuntur se coronatum in corde
suo gestasse basiliscum. De his fatur Isaias Prophe-
ta : Confidunt in nihilo , & loquuntur vanitates. Ova
Isai. 59.
aspidum ruperunt, & telas araneæ texuerunt ; qui come-
derit de ovis eorum morietur ; & quod confotum est erum-
pet in regulum. Ubi anima peccatis insordescere si-
nitur, nec mature expellitur ingressus coluber , de
radice ejus egreditur regulus, nascitur basiliscus, sæ-
vissima Tyrannide animam oppressurus. Quod con-
fotum est (inquit Magnus Gregorius) erumpet in re-
gulum, quia consilium maligni spiritus, quod corde tegitur,
ad plenam iniquitatem mittitur. Non vis ut regnet in te
peccatum, ne ex colubro fiat regulus, ex consuetu-
dine vel reticentia intolerabilis & exitiosa Tyrannis,
noli fovere , noli abscondere peccatum. Addit Gre-
gorius : Regulus namque superbiæ Rex dicitur. Vah in-
felicem animam, cui regulus superbiæ Rex , ipse

Plin.lib.8.
c. 21.

Sen.Ep.45

S. Greg.
Moral.lib
15, c. 9.

diabolus nominatur; Heu miserabilem energumenum, qui cum posset hostem enascentem elidere, patitur ut invalescens animæ regnum occupet!

V I. Sed nolite vobis persuadere hæc subinde non accidere D E O permittente, in pœnam scelerum, in pœnam dilatæ, neglectæ, contemptæ pœnitentiæ. Exspectat nos patiens redditor, monet per Concionatores, per exempla proximorum, per ipsum temporis Quadragesimalis recursum: *Ecce nunc tempus acceptabile, ecce nunc dies salutis*, quibus excantandi sunt è cordibus serpentes, ejicienda peccata, mundandæ conscientiæ, redeundum cum D E O in gratiam: si porrò pergas fovere peccata, si negligas oblatam occasionem pœnitendi, si differas de die in diem, aut denique eo cœcitatis devenias, ut neque peccata reputes quæ patrasti: fulminat ille tandem sententiam illam peccatoribus obstinatis comminatam: *Qui nocet, noceat adhuc: Et qui in soribus est, sordescat adhuc.* Quo fit ut malus hospes possessione firmata in corde, nullâ humanâ virtute expelli possit, sed surdam ad monita, cœcam ad veritatem, mutam ad Confessionem effectam in æternam damnationem præcipitet: Ad hos loquitur D E U S per Jeremiam: *Ecce ego mittam vobis serpentes et regulos, quibus non est incantatio.* At quæ verba Gregorius: acsi diceret: *justo judicio talibus vos immundis spiritibus tradam, qui à vobis repellit exhortatione prædicantium, quasi incantantium sermone non valeant.* Proximus est ad interitum, qui peccatis insordes- scens, nec Concionatorum stimulis, nec vicinorum exemplis, nec sacri hujus temporis recordatione ad pœnitentiam agendam movetur. Id expertus fœnector ille, de quo Joannes de Abbatiss-

villa

Apoc. 22.

Jerem.

Greg. 34.
Moral. c. 5

villa Cardinalis recenset, quod saepius monitus ut ageret pœnitentiam, respondere sit solitus: *Adbuc tempus est; pœnitentiam agam, sed nondum.* Idem repetebat ægrotans, cum sacerdos videns periculum instaret ut confiteretur. *Pœnitebo, sed nondum est tempus.* Heu miser; illud est pœnitentia tempus, quod tibi Deus designat per sacerdotes, per exempla proximorum, per recursum sacrorum misteriorum: per infirmitatem: cave ne tempus non sit, cum tu tempus esse volueris. Inter haec abreptus jacuit sine sensu quasi mortuus: mox redditus sibi, cum sacerdos non desisteret in clamare pœnitentiam, ille ejulans reposuit: *O pœnitentia ubi es! Jam pœnitere non valeo, sic judicante justo Judice, quia dum pœnitentiam facere potui, non volui.* Et haec clamans infelicem animam reddidit. Annon iste traditus fuit spiritibus immundis, qui nullâ incantatione potuerunt expelli? Cavendum igitur est ne patiamur in anima nostra, perseverare, habitare, regnare peccatum; elidendus est & excantandus colubertenellus, ne cum in basiliscum & regulum excreverit, nullo exorcismo expelli possit. Hoc cavendum.

VII. Illud verò studiose agendum, ut si quos hactenus mutum dæmonium à pœnitentia retraxit, obtemperent monenti Apostolo *Confitemini alterum peccata vestra.* Etenim ut Sapiens inquit: *Qui abscondit scelera sua non dirigetur: qui autem confessus fuerit & relinquerit ea, misericordiam consequetur.* Conterantur corda, laxentur ora: *Ore autem confessio fit ad salutem.* Nam ut advertit S. Antonius de Padua: *Multis cameris dæmon habet ingressum vel habere potest ad domum conscientie nostræ, scilicet animæ;*

*Joan. Card
de Abbatis.
villa Spec.
Exempt.
tit. Pœnit.*

Jac. 5.

Prov. 28.

Rom. 10.

*S. Ant Pad
in Dom. 3.
Quadrag.*

sed

Sed tamen nunquam nisi per unum ostium potest ejici & expelli, scilicet oris seu confessionis. Ingreditur ille per oculos, aures, nares, os, manus, pedes, sensus omnes, corpus totum, per solum os ejicitur confitendo. Sed ne exeat, obducit pessulum, obturat os, facit elingues peccatores: alijs ruborem & verecundiam immittit, ut quod patrare non puduit, pudeat confiteri; alijs persuadet levia esse quæ gravia sunt: neque DEUM adeo severum esse peccatorum vindicem, ut quidvis puniat; alijs insurrit multum vitae temporis superesse, in cuius fine admissa possint expiari; alios inducit, ut credant peccata non esse, in quæ fragilitas humana propendet; atque ita *Impius cum in profundum venerit contemnit*: Quod expendens Augustinus ajebat: *Pudore infandorum criminum, & impunitatis pollicitatione, & spe longioris vita, & Confessionis suo tempore facienda, tanquam pessulo quodam claudit ostium.* Sed habes hostem in tua potestate si velis: non potest invito os claudere: Perrumpe, disstringe pessulum, ut mulier illa, quæ Anno 1601 Aronæ in Italia sacerdoti fassa est, se multis annis libidini mancipatam accessisse quidem Confessionis tribunal sed plura semper tacuisse quam explicasse: Sæpius quidem ex animo paratam venisse ut integrè sua peccata sacerdoti detegeret, sub ipsum tamen Confessionis initium sibi injecta impedimenta, adeò ut non solum pudore suffundetur, sed & fauces suas sentiret constringi: tantum videlicet sibi eam dæmon vindicaverat potestatis. Narravit præterea cum sacram synaxim accederet, assiduis mentem stimulis concuti solitam: cum verò sacrilega lingua divinum ferculum exciperet, non panem sibi sed ignem flammamque visum. Statuisse

*S. Aug. To.
10. hom. 12*

*Ex annu.
soc.*

tuisse proinde tandem ex integro peccata detegere ,
& imposterum dœmonem penitus ab anima exclu-
dere. Profecto iterata Confessio (ut ajebat B.Lau-
rent. Justinianus) Immundorum spirituum propulsat
fraudes.

B. Lauren.
Just. lib. de
ob c. 15.

VIII. In Confessionis encōmia diffusus S.Au-
gustinus hortabatur Fratres (vel quisquis author
est sermonum ad FF. in eremo) inquiens : *Ad sa-
cram messem Confessionis accedere festinate : bæc est enim
salus animarum, dissipatrix vitiorum, restauratrix vir-
tutum, oppugnatrix dœmonum, pavor inferni, obſtacu-
lum diaboli, Angelorum tunica, Ecclesiarum fiducia, salus,
Dux, baculus, lumen, & ſpes omnium fidelium.* Con-
fessionem messem appellat propter ingentes fructus
quos reportat. Est salus animarum , quia sine hac
velut tabula secunda post naufragium peccator ad
portum non pervenit. Est dissipatrix vitiorum ,
quia frequentata emendationis proposita, Confesso-
ris monita , divinæ gratiæ augmenta non finunt fa-
cile vitia crescere aut radicari. Est restauratrix vir-
tutum quia per eam reviviscunt extincta merita, &
habitus ad bonum labefactati rursus solidantur.
Est oppugnatrix dœmonum quia illis prædam ob-
tentam eripit. Est pavor inferni , quia procul ar-
cit inimici infidias. Est obſtaculum diaboli , quia
hic ingressum non habet, ubi habitat Deus. Est An-
gelorum tunica , quia sicut Angeli ita *Confessio &*
pulchritudo in confectu ejus, qui *Confessionem & deco-
rem induit.* Est Ecclesiarum fiducia, quæ ſpem glo-
riæ in nobis generat : Est ſpes, quæ non confundit.
Est Dux, quæ dirigit ad viam vitæ, baculus qui ſu-
ſtentat ne relabamur, lumen quod illustrat animas
ut è tenebris eluentur. *Confessio sanat, Confessio*

S Aug. ser.
30. adfratr

Pſal. 95.
Pſal. 163.

Ff

justifi-

*Isid.lib. 1.
c. 12.
S.Ambros.
c. Ecce. de
pœnit. 1.
dist.*

*S.Ambros.
lib. de pœ
radis.*

*S Chrysost.
hom. 3.
de pœn.*

*S.Patian.
in parœn.
ad pœn.*

justificat, Confessio peccatis veniam donat. Inquit Isidorus. Confessio animam à morte liberat, Confessio aperit paradisum; Confessio spem salvandi tribuit. Inquit S. Ambrosius. Tantæ Confessionis prærogativæ sunt; imò tanta necessitas, quia ut alibi idem sanctus Ambrosius: *Non potest quisquam à peccato justificari, nisi peccatum antea fuerit confessus.* Et tamen ea est incuria & negligentia mortalium, ut plurimi vel raro eam amplectantur, vel in longum differant, vel omnino prætermittant. Et quid obsecro tandem est, quod nos à Confessione deterret? Pudet enunciare coram uno, quod non puduit coram pluribus exercere: pudet revelare sacerdoti DEI loco sedenti, quod DEUM latere non potest: pudet coram uno confundi, quod in die judicij propalabitur mundo universo! Heu mentis nostræ cæcitatem! heu nequissimi dæmonis versutissimas insidias! *Pudorem & verecundiam Deus dedit peccato, confessioni fiduciam: Invertit rem diabolus, & peccato fiduciam præbet, confessioni pudorem & verecundiam.* Ut loquitur Chrysostomus: cuius verba excipiat paræsis D. Patiani: *Rogo vos fratres per illum Dominum, quem occulta non fallunt, definite vulneratam tegere conscientiam: prudentes ægri medicos non verentur. Ne in occultis quidem corporum partibus etiam secatueros, etiam perusturos. Et peccator timebit: peccator erubescet perpetuam vitam praesenti pudore mercari?* Nihil præcipitur, nisi ut in corde doleas, & ore proferas quod deliquisti, nulla sectio, nulla iustio membrorum imperatur: Verbis sanantur morbi animæ non herbis amaris, & subterfugimus?

IX. Re-

IX. Reprehendit Deus in Apocalypsi non-nullos Asiæ Episcopos quos inter etiam Pergamenum , cui scribi jussit : *Angelo Pergami Ecclesiæ scribe , scio ubi habitas , ubi sedes est sathanæ.* Sedes sathanæ infernus est : nunquid in inferno habitabat Episcopus Pergamenus ? *Ubi sedes est sathanæ.* Nempe habitabat ille in medio nationis pravæ , cuius corda penitus dœmon possederat, non velut transiens. Sed velut permanens & fixo domicilio. Est hoc ad mentem Hugonis Cardinalis : *Ubi sedes est sathanæ , id est mansio non transitus : in illis enim mansionem facit diabolus , qui peccata nolunt confiteri , sed cœlant ea in gutture suo.* In illis transit , qui etsi peccant aliquando ex fragilitate , tamen statim confitentur. Reprehenditur itaque Episcopus quod inter tales habitet , quod illos non corrigat , non emendet , & jubetur ipse agere pœnitentiam , id est quod prius neglexerat , porrò agere , hortari , increpare , arguere , obsecrare oves sibi commissas , & à maligno infessore eorum animas exorcisare : *Similiter pœnitentiam age : si quo minus ; veniam tibi cito , & pugnabo cum illis in gladio oris mei.* O quam multis tardè creditur venturus , & cito venit , & pugnat cum illis in gladio oris sui fatalem in eos sententiam fulminando !

Apoc. 2.

Hugo Card
in Apoc.

X. Idcirco præoccupemus faciem ejus in Confessione , ne inimicus præveniat nos accusando. Confiteamur cum Psalmista in directione cordis , id est ut S. Bonaventura monet : *Patenter , ferventer , festinanter.* Patenter ut sit Confessio nuda sine palliatione : ferventer , ut sit Confessio vera sine excusatione : festinanter , ut sit Confessio prompta sine dilatatione. Sic ejcietur dœmon mutus , & subin-

S. Bon. 111
Psal. 118.

Ff 2

trabit

S. Chrysost.
tom. I. in
Epist. ad
Philemon.

trabit gratia DEI. Concludo verbis D. Chrysostomi : *Si publicanus cum diceret solum DEUS proprius esto mibi peccatori, justificatus descendit; Et nos quoque si humiles contritique fuerimus, magnam diuinæ pietatis promerebimus gratiam, si confiteamur peccata nostra, nosque ipos reprehendere non desistamus. Omni igitur ex parte diaboli expugnare studeamus. Nihil difficile dixi, nil grave, nil molestum. Remitte ei qui te læsit, egeno miserere, humilia animam tuam. Quamlibet maximus peccator sis, audeo dicere cœlesti regno donaberis, cum per hujusmodi opera Et ipsa expiæ crimina, Et omnium scelerum maculam diluas. Contingat utinam nos omnes enudata per Confessionem conscientia, omniq[ue] deterga criminum labe repromissis illic perfrui bonis, gratia Et benignitate Domini nostri IESU Christi. Amen.*



DISCURSUS XIX.

Dominica IV. Quadragesimæ.

Pegasus alatus

THEMA.

Cum gratias egisset, distribuit. Joan. 6.

SYNOPSIS.

I. Considerans David inquietudinem peccatorum, optat voluntum ut requiescat, ubi nempe à peccatis securus sit. Jeunanti gratia Dei est velut e-

quellus, cui si addas geminas alas orationis Et eleemosyne fit Pegasus, qui te ad cœlum portat.

II. Oratio Et Eleemosyna juxta S. Chrysost.